

[www.BibleForChildren.org](http://www.BibleForChildren.org)

# Genesis 3



Da Adam ifarin' finingan binangan  
Ifa (waingan ibi 'maranta'an'). I  
aragan isu garam gar maranta'an  
sib anu rinangan.



Apu buman santan Anutu Yawe  
tajindan ugu da mur isu apu  
mararuru tsira' i nan umpur iyu'an.  
Gubu' mañan da mur iwa' da sagat  
da igutin, "Ama'! Nan nidzun i Anutu  
nidan da agam i anuñ' gada gai  
nidzun santan miñ'a gum ani?"



Da sagat ini mur  
nifungan muja'  
ibiani, "Ima', aga sanj'  
i gada gai sib anu  
muntida gum wasa' ani nidzungan, da  
bitsinta' Anutu ifai nan babampafan i  
agai i gai bits muntida wasa' i gum ani  
aga anuŋ' gadan ma gifan  
u, bida aga naja bidanigi  
da aga buŋ' amamp."



Da mur ini bina',  
"Ima'! Nan umpur!  
Agam wasaŋ' i mampan  
u. Anutu ini ibinigi i  
aragan isru'gin sib i bida agam  
gadan da agam maram buŋ' antap  
ruan da agam buŋ' asaŋ' Anutu  
i sru'a i nam bini da  
nam maisan."



Sagat itsangan gai nidzun igi iwa' narubini binan i marangan da idaum anu i gadan da uda mararuru. Ibinigi da arangan ipis fain da igan, ida imus rima fain da gabungan igan impru' ibinigi.



Gubu' rib iru' igi gada sib da sun  
binan anu maran intap ruan da  
irarab ruan ratar i mpada ragi  
daunt; ibinigi da ribarajan  
idanjin gai yafan tsira'  
impru' ruan da irainj'  
sib i ruan.





Da Anutu Yawe  
inu' garam, "U mpa aruanun?" Da garam  
inu' ini Anutu Yawe nifungan muṅa' ba, "Dzi riṅant i u yuṅa  
gum wasa' badan, ibinigi da dzi rat da dzi kup, i dzi mpa  
ragi daṅunt." Da Anutu igutin, "Maṅa ni da agu i u  
daṅuntan? U maga gai nidzun dzi pa'a agu gin ugu, ma?"





Da garam itip ini Anutu Yawe nifungan muṅa' ibiani, "Sagat u taṅindan da dzi ugu irim gai igi nidzungan fain da dzi da dzi gan." Da Anutu Yawe igut i sagat ini bina', "U bunan ibinigi iya'?" Da sagat ini Anutu Yawe nifungan muṅa' ibiani, "Mur isu umpur da dzi da dzi gan."



Ibinigi da Anutu Yawe iwat arangan  
rai i gum Iden i naja gum i  
intap aru tipa arangan  
gin ugu.





Iwat garam rai iwa' sinuḡ' gum igi sib  
da Araḡan itaḡin nam maranta'an  
gunuḡun fain nida tserubim da  
bainat bururuḡan marisa i ruan  
imiḡ' gubu' yaban i gum Iden  
da imunti sib i  
gai rima  
maranta'an.




Adam irut finingan Ifa impai da aranan finingan iwanun da yapiŋ' Kein. Da Ifa ini, "Yawe irim dzi sib da dzi yapiŋ' narun' marub." Raiyi da Ifa itip irim Kein raingan Abel. Gubu' Abel yiŋ'a sib da inañ guman mpada tayan' dumpa da nuniŋ, da Kein inañ guman rafa gum.




Gubu' manan da Kein iyu nam gadan fain imin' guman da irim dangki gin ifan da Yawe. Da Abel ibinigi iyu apu bini imin' dumpa gan fain narun miamun gin da isaf da iyu nagaran bini da irim isu dangki ifan da Yawe.



Yawe nugun inuf nidzun anu i Abel impru' da gan danƙi gan, da bitsinta' nugun wanuf i Kein da gan danƙi gan u. Ibinigi da Kein nugun itsakia nidzun da igurunur tsira' biƙan.



Da Kein ini da raingan Abel ini bina', "Abel, agi yuŋa rai rai aŋu wa'a gum." Gubu' ribarangan wa'a sib gum, da Kein yitam i ruan da yis raingan funub.



Raiyi da Yawe igut i Kein ini bina', "Da u raingam Abel anuŋ'?" Da aranan ini, "Dzi wasru'gin u. Mai! Dzi masu wain i mpada tayan' raingana'?" Ibinigi da Kein itanin Yawe marangan rai da ifa mpa intap Nod imin' gubu' yaban i Iden.





Raiyi da Adam itip irut finingan Ifa impai da finingan iwanun da irim narun marub, da ifarin' aranan binangan Set (waingan ibi 'irim') da ini, "Anutu irim mama' narun manan da dzi i uda Abel fagangan aru Kein isa funub ugu."



Gubu' Set wa'a sib, da Adam itip impa udzuf 800 da irim narun rusan marub da finam fain. Mpru'a Adam udzufan mpada marata' rutin da isan' 930 da aranan imamp.



Da Yawe itsajan garam gar santan i nangan  
maisana nanan da maran fura nam  
maisana nidzun anu bida nam bini  
isu gudzufugun i ribarajan.



Ibinigi da arayan ini, "Dzi bun' asiat garam  
gar santan dzi tajindan rai sinun' intap,  
garam gar da apu maranta'an santan  
mpada intap da dzufan. Dzi wanun'  
ibarabin i dzi tajin ribarayan."



Da bitsinta' Yawe nugun inuf i Noa anu. Noa  
irim narun rusan iru' da bits: Sem da Ham  
da Yafet.





# Genesis 3 - 6

Storyline by: Edward D. Hughes

Illustrated by: Byron Unger, Lazarus  
and Alastair Paterson

Adapted by: M. Maillot; Tammy S.

Adzera Bible (adz) © 2009 Wycliffe Bible Translators,  
Inc. All rights reserved.

<https://www.bible.com/bible/1229/GEN.1.ADZ>

©2024 Bible for Children, Inc.

[www.M1914.org](http://www.M1914.org)      [www.bibleforchildren.org](http://www.bibleforchildren.org)

